



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-38588-2/25
Sarajevo, 09.07.2025. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) Vlada Kantona Sarajevo, na **83.** sjednici održanoj **09.07.2025.** godine, donijela je

ZAKLJUČAK

1. Utvrđuje se prijedlog Zakona o doplati novčanih sredstava korisnicima subvencije po javnom pozivu za subvencioniranje rješavanja stambenog pitanja mladih za 2023. godinu.
2. Predlaže se Skupštini Kantona Sarajevo da, u skladu sa članom 158. Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 - Ispravka i 47/24) donese zakon iz tačke 1. ovog zaključka, po skraćenom postupku.
3. Ovaj zaključak stupa na snagu danom donošenja.

PREMIJER

Nihad Uk

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo,
6. Evidencija,
7. Arhiva.

Na osnovu člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici održanoj dana _____ godine, donijela je

PRIJEDLOG

ZAKON

O DOPLATI NOVČANIH SREDSTAVA KORISNICIMA SUBVENCije PO JAVNOM POZIVU ZA SUBVENCIONIRANJE RJEŠAVANJA STAMBENOG PITANJA MLADIH ZA 2023. GODINU

Član 1.

(Predmet)

Ovim zakonom utvrđuje se pravo na isplatu doplate novčanih sredstava korisnicima subvencije po Javnom pozivu za subvencioniranje rješavanja stambenog pitanja mladih broj: 05/01-19-44617/23 od 23.10.2023. godine (u daljnjem tekstu: Javni poziv), u ukupnom iznosu od 5.000.000,00 KM (slovima: pet miliona konvertibilnih maraka), koji se dijeli u jednakom iznosu po svakom korisniku koji ostvari pravo u skladu s ovim zakonom.

Član 2.

(Gramatička terminologija)

Gramatička terminologija korištenja muškog i ženskog roda za pojmove u ovom zakonu uključuje oba roda.

Član 3.

(Postupak isplate)

- (1) Ministarstvo komunalne privrede, infrastrukture, prostornog uređenja, građenja i zaštite okoliša (u daljem tekstu: Ministarstvo) je dužno, u roku od 15 dana od dana stupanja na snagu ovog zakona, obavijestiti sve kandidate iz člana 4. ovog zakona o obavezi dostavljanja dokumentacije potrebne za realizaciju isplate.
- (2) Ministarstvo će posebnim aktom propisati vrstu, sadržaj i način dostavljanja dokumentacije potrebne za realizaciju isplate novčanih sredstava iz ovog zakona.
- (3) Ministarstvo, nakon isteka roka za dostavu potpune i validne dokumentacije iz stava (2) ovog člana, sačinjava i dostavlja Vladi Kantona Sarajevo konačnu listu korisnika na potvrđivanje i donošenje odluke o isplati novčanih sredstava.
- (4) Raspored i dinamiku korištenja novčanih sredstava iz člana 1. ovog zakona precizira Vlada Kantona Sarajevo posebnim aktom, najkasnije u roku od 15 dana od dana dostavljanja konačne liste iz stava (3) ovog člana.
- (5) Ministarstvo finansija Kantona Sarajevo izvršava isplatu doplate novčanih sredstava u skladu sa raspoloživim sredstvima predviđenim u Budžetu Kantona Sarajevo.

Član 4.

(Pravo na doplatu novčanih sredstava i konačnost isplate)

- (1) Pravo na doplatu novčanih sredstava imaju kandidati koji u skladu s ovim zakonom ispunjavaju kumulativno sljedeće uslove:

- a) da su ostvarili pravo na subvenciju po Javnom pozivu i nalaze se na konačnoj listi reda prvenstva kandidata za subvencioniranje rješavanja stambenog pitanja mladih broj:05/01-19-44617-5/23 od 25.12.2023. godine;
 - b) da nisu izgubili pravo na subvenciju niti izjavili odustanak;
 - c) da su dostavili potpunu i validnu dokumentaciju iz člana 3. stav (2) ovog zakona u propisanom roku, kojom se nedvosmisleno dokazuje ispunjenost uslova za isplatu doplate novčanih sredstava.
- (2) Novčana sredstva utvrđena ovim zakonom dijele se ravnomjerno na sve korisnike koji ostvare pravo na doplatu, u jednakom iznosu po korisniku.
- (3) Isplata doplate novčanih sredstava iz ovog zakona je konačna i po ovom osnovu ne mogu se odobriti niti izvršiti bilo kakve dalje isplate.

Član 5.
(Dinamika isplate)

Isplata doplate novčanih sredstava iz člana 1. ovog zakona izvršiće se u skladu sa raspoloživim sredstvima predviđenim u Budžetu Kantona Sarajevo.

Član 6.
(Izvor sredstava)

Sredstva za provođenje ovog zakona obezbjeđena su u Budžetu Kantona Sarajevo za 2025. godinu, u iznosu od 5.000.000,00 KM (slovima: pet miliona konvertibilnih maraka). razdjel 33 – Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, ekonomski kod 615200 – kapitalni transferi pojedincima (YAU 028) – subvencioniranje mladih pri rješavanju stambenog pitanja.

Član 7.
(Nadzor)

Nadzor nad primjenom ovog zakona vrši Ministarstvo, a nadzor nad utroškom sredstava vrši Ministarstvo finansija Kantona Sarajevo.

Član 8.
(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

**PREDSJEDAVAJUĆI SKUPŠTINE
KANTONA SARAJEVO**

Elvedin Okerić

OBRAZLOŽENJE

I PRAVNI OSNOV

Član 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17) kojim je propisano da Skupština Kantona Sarajevo donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;

II RAZLOZI DONOŠENJA

Vlada Kantona Sarajevo je na 31. sjednici, održanoj 19.10.2023. godine, donijela Odluku o subvencioniranju rješavanja stambenog pitanja mladih broj: 02-04-44125-4/23, koja je objavljena u Službenim novinama Kantona Sarajevo, broj: 45/23, 26.10.2023. godine.

Članom 2. predmetne Odluke propisano je da su sredstva za subvencioniranje rješavanja stambenog pitanja mladih planirana u Budžetu Kantona Sarajevo za 2023. godinu, u okviru Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo (u daljem tekstu: Ministarstvo), na poziciji kapitalni transferi pojedincima 615200-YAU 028, a stavom (2) istog člana propisano da Ministarstvo na ime subvencioniranja rješavanja stambenog pitanja mladih kandidatu, po redoslijedu sa konačne rang liste reda prvenstva kandidata, isplaćuje iznos do 12.000,00 KM u zavisnosti od raspoloživih sredstava u Budžetu Kantona Sarajevo za ove namjene. U skladu sa predmetnom Odlukom, Ministarstvo je raspisalo Javni poziv za subvencioniranje rješavanje stambenog pitanja mladih kojim je definisano da se odobravaju nepovratna novčana sredstva kandidatima po redoslijedu sa konačne liste reda prvenstva kandidata u iznosu do 12.000,00 KM, a u zavisnosti od raspoloživih sredstava u Budžetu Kantona Sarajevo za ove namjene.

Cijeneći činjenicu da je internom preraspodjelom za ovu namjenu u Budžetu obezbjeđeno 5.500.000,00 KM te da je 1142 kandidata ispunilo uvjete iz Javnog poziva i da se nalaze na Konačnoj listi reda prvenstva kandidata za subvencioniranje rješavanja stambenog pitanja mladih, imajući u vidu da su i prethodnih godina svi kandidati koji su ispunili uvjete iz Javnog poziva i koji su bili na Konačnoj listi ostvarili pravo na subvenciju, Vlada Kantona Sarajevo je na 15. vanrednoj sjednici, održanoj 29.12.2023. godine, donijela Odluku o dodjeli sredstava za subvencioniranje rješavanja stambenog pitanja mladih svim kandidatima sa Konačne liste u iznosu od 4.816,00 KM.

Međutim, 99 kandidata nije u predviđenom roku dostavilo potrebnu dokumentaciju, te im sredstva nisu isplaćena. Obavijest o dostavi dokumentacije nije sadržavala upozorenje o mogućim pravnim posljedicama zbog kašnjenja. Naknadno su podneseni zahtjevi za isplatu, uz dostavu tražene dokumentacije.

S obzirom da su budžetska sredstva iz 2023. godine, u skladu sa Zakonom o budžetima Federacije BiH i Zakonom o izvršavanju Budžeta Kantona Sarajevo za 2023. godinu, mogla biti utrošena najkasnije do 31. januara 2024. godine, nije postojao zakonski osnov za isplatu preostalih sredstava iz tog budžetskog perioda.

Skupština Kantona Sarajevo je, na 16. radnoj sjednici održanoj 10.06.2024. godine, donijela Zaključak broj: 01-04-29948-1/24, kojim prihvata inicijativu zastupnika Admele Hodžić i Aljoše Čampare da se iznađu sredstva za isplatu razlike subvencija do

iznosa od 10.000 KM po korisniku iz Javnog poziva za 2023. godinu. iz budžeta za 2024. godinu.

Dana 30.12.2024.godine Vlada Kantona Sarajevo donijela je Zaključak br.02-04-55334-24.7/24 kojim je odobrena preraspodjela sredstava, koja su isplaćena kandidatima koji su bili na konačnoj listi, ali nisu blagovremeno dostavili dokumentaciju.

U Budžetu Kantona Sarajevo za 2025. godinu, na osnovu amandmana usvojenom na sjednici Skupštine Kantona Sarajevo, planirano je 5.000.000,00 KM na poziciji 615200-YAU028, ali bez eksplicitne naznake da li se sredstva odnose na doplatu za Javni poziv iz 2023. godine ili za novi Javni poziv za 2025. godinu. Navedeni budžetski amandman nije iniciran od strane Ministarstva.

Ministarstvo je 22.04.2025.godine uputilo Ministarstvu finansija Kantona Sarajevo zahtjev broj: 05.01-11-14363/25 za stručno mišljenje o primjeni budžetske stavke i realizaciji preostale isplate. Prema Zakonu o izvršavanju Budžeta Kantona Sarajevo za 2025. godinu, sredstva planirana budžetom se mogu koristiti u skladu s namjenom, a Vlada Kantona Sarajevo može precizirati raspodjelu i dinamiku isplate posebnim aktom.

Na upit Ministarstvu finansija Kantona Sarajevo za dostavu informacije u vezi navedene budžetske stavke, isti su odgovoreno je da Ministarstvo finansija nije nadležno da daje tumačenje, ne odgovarajući na postavljena pitanja.

Kako bi se otklonila pravna i budžetska neizvjesnost, potrebno je da Skupština Kantona Sarajevo donese predloženi Zakon, po skraćenom postupku u skladu sa članom 158. Poslovnika Skupštine Kantona Sarajevo, obzirom da se ne radi o obimnom zakonu. Ovim Zakonom se istovremeno jasno definiše da je riječ o konačnoj doplati novčanih sredstava, nakon koje neće biti daljnjih isplata po osnovu Javnog poziva iz 2023. godine, čime se zatvara ova obaveza na transparentan i fiskalno održiv način.

III PRAVNA RJEŠENJA

Zakon o doplati novčanih sredstava korisnicima subvencije po Javnom pozivu za subvencioniranje rješavanja stambenog pitanja mladih za 2023.godinu sadrži:

a) Član 1. (Predmet) - ovom odredbom jasno se utvrđuje da je predmet zakona doplata novčanih sredstava korisnicima subvencije koji su ostvarili pravo po Javnom pozivu za subvencioniranje rješavanja stambenog pitanja mladih za 2023.godinu. Definiše se ukupan iznos novčanih sredstava (5.000.000,00 KM) i princip raspodjele – jednako po korisniku – čime se osigurava jednakost, transparentnost i predvidivost.

b) Član 2. (Gramatička terminologija) - propisuje da gramatička terminologija u ovom zakonu uključuje upotrebu oba roda.

c) Član 3. (Postupak isplate) - propisuje detaljnu proceduru isplate novčanih sredstava:

- obavještanje korisnika (stav 1),
- normativno uređenje dokumentacije (stav 2),
- izrada konačne liste (stav 3),
- raspored i dinamiku isplate novčanih sredstava od strane Vlade Kantona Sarajevo (stav 4),
- isplata putem Ministarstva finansija Kantona Sarajevo (stav 5).

Svi rokovi su precizirani, čime se osigurava efikasna i pravovremena implementacija zakona.

d) Član 4. (Pravo na doplatu novčanih sredstava i konačnost isplate) – propisuje kumulativno ispunjavanje uslova za ostvarivanje prava:

- ranije priznato pravo,
- formalno i pravno trajanje ostvarenog prava,
- uredna i potpuna dokumentacija u skladu sa zakonom.

Također, stavom (2) garantuje se jednaka raspodjela sredstava, a stav (3) uvodi konačnost isplate, čime se zatvara pravna obaveza i otklanja budući fiskalni rizik.

e) Član 5. (Dinamika isplate) - propisuje da će se doplata novčanih sredstava izvršiti u skladu sa raspoloživim sredstvima predviđenim u Budžetu Kantona Sarajevo.

f) Član 6. (Izvor sredstava) - Precizno se definiše budžetski izvor – razdjel. kod, namjena i iznos. Ovim se obezbjeđuje zakonitost trošenja javnih sredstava, fiskalna odgovornost i osnova za revizijsku kontrolu.

g) Član 7. (Nadzor) - Propisuje se da:

- Ministarstvo vrši nadzor nad provedbom zakona,
- Ministarstvo finansija Kantona Sarajevo vrši nadzor nad utroškom sredstava.

Time se osigurava efikasna kontrola i odgovornost institucija.

h) Član 8. (Stupanje na snagu) – propisuje da zakon stupa na snagu osmog dana od objave, u skladu sa zakonodavnom praksom Skupštine Kantona Sarajevo.

IV FINANSIJSKA SREDSTVA

Sredstva su obezbijedena u okviru Budžeta Kantona Sarajevo za 2025. godinu, razdjel 33. ekonomski kod 615200 – kapitalni transferi pojedincima (YAU 028) u iznosu od 5.000.000,00 KM.

Bosna i Hercegovina
Federacija Bosne i Hercegovine
KANTON SARAJEVO
Ured za zakonodavstvo Vlade Kantona
Sarajevo



0
552
PB-1
Босна и Херцеговина
Федерација Босне и Херцеговине
КАНТОН САРАЈЕВО
Уред за законодавство Владе Кантона
Сарајево

Bosnia and Herzegovina
Federation of Bosnia and Herzegovina
CANTON SARAJEVO
Office for Legislature of Sarajevo Canton
Government

Broj: 09-02-34665/25
Sarajevo, 24.06.2025. godine

KANTON SARAJEVO
MINISTARSTVO KOMUNALNE PRIVREDE, INFRASTRUKTURE, PROSTORNOG
UREĐENJA, GRAĐENJA I ZAŠTITE OKOLIŠA

PREDMET: Mišljenje na prijedlog Zakona o doplati novčanih sredstava korisnicima subvencije po javnom pozivu za subvencioniranje rješavanja stambenog pitanja mladih za 2023.godinu.-

Na osnovu člana 3. stav (1) tačka b) Uredbe o osnivanju Ureda za zakonodavstvo Vlade Kantona Sarajevo ("Službene novine Kantona Sarajevo", broj 20/23) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17- Drugi novi prečišćeni tekst, 2/18-Ispravka i 32/22), Ured za zakonodavstvo Vlade Kantona Sarajevo, daje slijedeće

MIŠLJENJE

1. Prihvatanje predložene forme propisa i predloženih pravnih rješenja sadržanih u prijedlogu Zakona o doplati novčanih sredstava korisnicima subvencije po javnom pozivu za subvencioniranje rješavanja stambenog pitanja mladih za 2023.godinu (u daljem tekstu: Zakon), kao i procjena opravdanosti razloga za donošenje navedenog Zakona u isključivoj je nadležnosti Vlade odnosno Skupštine Kantona Sarajevo, s obzirom da se radi o propisu kojim se predviđa izdvajanje finansijskih sredstava iz budžeta Kantona Sarajevo za finansiranje doplate subvencije korisnicima subvencije po javnom pozivu za subvencioniranje rješavanja stambenog pitanja mladih za 2023.godinu, provedenog na osnovu Odluke o subvencioniranju rješavanja stambenog pitanja mladih Vlade Kantona Sarajevo.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi prečišćeni tekst, 2/18- Ispravka i 32/22), te se isti može razmatrati na jednoj od narednih sjednica Vlade Kantona Sarajevo, uz napomenu da se predmetni materijal dopuni sa mišljenjem Ministarstva finansija Kantona Sarajevo u pogledu obezbjeđenja budžetskih sredstava za primjenu ovog propisa.

Dostaviti:

1. Naslovu
2. Evidencija
3. Arhiva



Adresa: Hamida Dizdara 1, 71000 Sarajevo
Tel: + 387(0)33 560-449, Fax: + 387 (0) 33 560-448
Web: <http://vlada.ks.gov.ba>, E-mail: uz@vlada.ks.gov.ba



25-06-2025

Broj: 03-04/1-02-34351/25
Sarajevo, 20.06.2025. godine

KANTON SARAJEVO
MINISTARSTVO KOMUNALNE PRIVREDE, INFRASTRUKTURE,
PROSTORNOG UREĐENJA, GRAĐENJA I ZAŠTITE OKOLIŠA
gosp. Mladen Pandurević, ministar

PREDMET: Prijedlog Zakona o doplati novčanih sredstava korisnicima subvencije po Javnom pozivu za subvencioniranje rješavanja stambenog pitanja mladih za 2023. godinu, mišljenje –

VEZA: Vaš akt, broj: 05-05-02-32650-1/25 od 09.06.2025. godine

Postupajući po Vašem aktu, broj i datum gornji, na osnovu odredbi člana 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) i člana 4. stav 6. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17 - Drugi novi prečišćeni tekst, 2/18 - Ispravka i 32/22), Ministarstvo pravde i uprave razmotrilo je prijedlog dostavljenog Zakona i daje sljedeće

MIŠLJENJE

Prijedlog Zakona o doplati novčanih sredstava korisnicima subvencije po Javnom pozivu za subvencioniranje rješavanja stambenog pitanja mladih za 2023. godinu je propis kojim se ne povrjeđuju prava zaštićena odredbama Evropske konvencije o zaštiti ljudskih prava i osnovnih sloboda kao i drugih pravnih akata kojima je utvrđena zaštita ljudskih prava i sloboda.

S poštovanjem,

Dostaviti:
1. Naslovu;
2. a/a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-083, Fax: + 387 (0) 33 562-241
Web: <http://mpu.ks.gov.ba>, E-mail: mpu@mpu.ks.gov.ba

1/1



Broj: 08/03-02-34651/25 NB
Sarajevo, 19.06.2025. godine

KANTON SARAJEVO
MINISTARSTVO KOMUNALNE PRIVREDE, INFRASTRUKTURE,
PROSTORNOG UREĐENJA, GRAĐENJA I ZAŠTITE OKOLIŠA

Predmet: Mišljenje na Prijedlog zakona o doplati novčanih sredstava korisnicima subvencije po Javnom pozivu za subvencioniranje rješavanja stambenog pitanja mladih za 2023. godinu

Veza: Vaš dopis br.: 05-05-02-32650-2/25 od 09.06.2025. godine.

Vezano za Vaš zahtjev za mišljenje na Prijedlog zakona o doplati novčanih sredstava korisnicima subvencije po Javnom pozivu za subvencioniranje rješavanja stambenog pitanja mladih za 2023. godinu, u skladu sa članom 8. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, br. 34/16 i 15/18), dajemo sljedeće mišljenje:

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo je postupilo u skladu sa navedenim Pravilnikom i Ministarstvu finansija uz Prijedlog zakona, dostavili na mišljenje popunjen i potpisan obrazac IFP-NE u kojem je data sljedeća izjava: „Za implementaciju ovog Zakona nisu potrebna dodatna sredstva u Budžetu Kantona Sarajevo za 2025. godinu“.

Obzirom da za provođenje Prijedloga zakona nisu potrebna dodatna sredstva iz Budžeta Kantona Sarajevo, na navedeni Prijedlog zakona o doplati novčanih sredstava korisnicima subvencije po Javnom pozivu za subvencioniranje rješavanja stambenog pitanja mladih za 2023. godinu, Ministarstvo finansija, sa aspekta fiskalnog učinka na Budžet, **nema primjedbi**.

Ovo mišljenje je dato u skladu sa odredbama Prijedloga zakona koji se obrađuju i podataka navedenih u Obrascu IFP-NE Izjave o fiskalnoj procjeni, čija tačnost je u isključivoj odgovornosti Predlagača, te ukoliko se naknadno utvrdi da navedene odredbe i podaci odstupaju od stvarno činjeničnog stanja, ovo mišljenje će se staviti van snage.

Dostaviti:

1. Naslovu
2. MF – Sektor za budžet i fiskalni sistem
3. a/a

Pripremio: Nedžad Bašić

Kontrolisali: Adin Šendro

Amina Močević

MINISTAR

Dr. Afan Kalamujić



Adresa: Maršala Tita 62, 71 000 Sarajevo
Tel: + 387 (0) 33 565-005, Fax: + 387 (0) 33 565-052
Web: <http://mf.ks.gov.ba>, E-mail: mf@mf.ks.gov.ba

OBRAZAC IZJAVA O FISKALNOJ PROCJENI

A.1. Obradivač propisa

Obrazac IFP NE

	KOD	NAZIV
Razdjel	33010001	MINISTARSTVO KOMUNALNE PRIVREDE, INFRASTRUKTURE, PROSTORNOG UREĐENJA, GRADENJA I ZAŠTITE OKOLIŠA KANTONA SARAJEVO

B.2. Osnovni podaci o prijedlogu propisa

Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE

Naziv propisa/akta

ZAKON
O DOPLATI NOVČANIH SREDSTAVA KORISNICIMA SUBVENCIJE PO JAVNOM POZIVU ZA SUBVENCIONIRANJE
RJEŠAVANJA STAMBENOG PITANJA MLADIH ZA 2023. GODINE

C.3. Za svaki nepostojeći dodatni fiskalni efekt predloženoj propisa

Za implementaciju ovog Zakona nisu potrebna dodatna sredstva u Budžetu Kantona Sarajevo za 2025. godinu.

D.4. Pečat i potpis odgovornog lica
obradivača, odnosno predlagача propisa

MINISTAR
Mladen Pandurević

Mjesto i
datum

09.06.2025. godine

to bude cijenilo potrebnim, za svakog pojedinačnog korisnika sredstava.

VIII

Svi detalji i pravila korištenja poticajnih sredstava iz tačke I ove odluke (prava i obaveze ugovornih strana) bit će definisani ugovorima koji će biti zaključeni sa odabranim korisnicima poticajnih sredstava iz tačke I ove odluke koji dostave dokumentaciju kako je to propisano tačkom VI ove odluke.

IX

Ovlašćuje se Ministar privrede Kantona Sarajevo da zaključi pojedinačni ugovor sa svakim od korisnika sredstava iz tačke I ove odluke, koji su ispunili uvjete iz odredbi ove odluke.

X

Za realizaciju ove odluke zadužuje se Ministarstvo privrede Kantona Sarajevo i Ministarstvo finansija Kantona Sarajevo.

XI

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-43312-21/23

12. oktobra 2023. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 30. sjednici održanoj 12.10.2023. godine, donijela je

ODLUKU

O DAVANJU SAGLASNOSTI NA PRAVILNIK O
IZMJENAMA PRAVILNIKA O UNUTRAŠNJOJ
ORGANIZACIJI MINISTARSTVA KULTURE I SPORTA
KANTONA SARAJEVO

I

Daje se saglasnost na Pravilnik o izmjenama Pravilnika o unutrašnjoj organizaciji Ministarstva kulture i sporta Kantona Sarajevo, broj 12-02-40478/23 od 13.09.2023. godine.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-43312-22/23

12. oktobra 2023. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 25. Zakona o mladima Federacije Bosne i Hercegovine ("Službene novine Federacije BiH", broj 36/10), Vlada Kantona Sarajevo, na 31. sjednici održanoj 19.10.2023. godine, donijela je

ODLUKU

O SUBVENCIONIRANJU RJEŠAVANJA STAMBENOG
PITANJA MLADIH

Član 1.

(Predmet)

Ovom odlukom propisuju se sredstva, uslovi, kriteriji bodovanja, postupak podnošenja zahtjeva, utvrđivanje liste reda prvenstva kandidata za subvencioniranje rješavanja stambenog pitanja mladih i postupak dodjele sredstava.

Član 2.

(Sredstva za subvencioniranje rješavanja stambenog pitanja mladih)

- (1) Sredstva za subvencioniranje rješavanja stambenog pitanja mladih planirana su u Budžetu Kantona Sarajevo za 2023. godinu, u okviru Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo (u daljem tekstu: Ministarstvo), na poziciji kapitalni transferi pojedinicima 615200-YAU 028.
- (2) Ministarstvo na ime subvencioniranja rješavanja stambenog pitanja mladih kandidatu, po redoslijedu sa konačne rang liste reda prvenstva kandidata, isplaćuje iznos do 12.000,00 KM, u zavisnosti od raspoloživih sredstava u Budžetu Kantona Sarajevo za ove namjene.

Član 3.

(Značenje pojedinih pojmova)

Pojmovi upotrijebljeni u ovoj odluci imaju sljedeće značenje:

- a) "subvencioniranje" je odobravanje nepovratnih novčanih sredstava na ime rješavanja stambenog pitanja mladih,
- b) "rješavanje stambenog pitanja" podrazumijeva kupovinu stana ili kuće u novogradnji ili korištenih ili izgradnju kuće ili stana na području Kantona Sarajevo,
- c) "lice koje nema riješeno stambeno pitanje" je lice koje samo kao i njegov bračni ili vanbračni partner (ukoliko je lice u bračnoj ili vanbračnoj zajednici), nisu vlasnici drugog stana ili porodične kuće u mjestu rođenja na području Bosne i Hercegovine i teritoriji Kantona Sarajevo,
- d) "invalidnost" - podrazumijeva procenat invalidnosti utvrđen u skladu sa odredbom člana 12. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", broj 36/99, 54/04, 39/06, 14/09, 45/16 i 40/18) i odredbom člana 39. Zakona o penzijskom i invalidskom osiguranju ("Službene novine Federacije BiH", broj 13/18, 90/21 i 19/22),
- e) "član porodičnog domaćinstva" je bračni ili vanbračni partner, dijete rođeno u braku ili van braka, usvojenik i drugo lice koje je podnositelj prijave dužan izdržavati, a živi sa imenovanim u zajedničkom domaćinstvu u zadnje tri godine,
- f) "bračna zajednica" je zakonom uređena zajednica života žene i muškarca, u smislu člana 6. Porodičnog zakona Federacije Bosne i Hercegovine ("Službene novine Federacije BiH", broj 35/05, 41/05 i 31/14),
- g) "vanbračna zajednica" je zajednica života žene i muškarca koji nisu u braku ili vanbračnoj zajednici sa drugim licem, koja traje najmanje tri godine ili

kraće ako je u njoj rođeno zajedničko dijete, u smislu člana 3. Porodičnog zakona Federacije Bosne i Hercegovine.

Član 4.

(Uslovi za subvencioniranje rješavanja stambenog pitanja mladih)

- (1) Uslove koje podnosilac zahtjeva za subvencioniranje rješavanja stambenog pitanja mladih mora ispuniti su:
 - a) da je starosne dobi od navršenih 18 godina do manje od navršenih 38 godina u momentu podnošenja zahtjeva,
 - b) da je državljanin Bosne i Hercegovine,
 - c) da na dan podnošenja prijave na javni poziv za subvencioniranje rješavanja stambenog pitanja mladih ima prebivalište na području Kantona Sarajevo,
 - d) da podnosilac zahtjeva i njegov bračni ili vanbračni partner nemaju na drugi način riješeno stambeno pitanje,
 - e) da podnosilac zahtjeva i njegov bračni ili vanbračni partner nisu bili vlasnici štana ili kuće koju su otuđili pravnim poslom,
 - f) da prodavač stana ili kuće nije roditelj, brat ili sestra podnosioca zahtjeva ili roditelj, brat ili sestra bračnog ili vanbračnog partnera podnosioca zahtjeva,
 - g) da je zaključio notarski obrađen ugovor o kupoprodaji stana ili kuće koji se nalazi na području Kantona Sarajevo, u periodu od 09.08.2022. godine zaključno sa zadnjim danom isteka roka javnog poziva za subvencioniranje rješavanja stambenog pitanja mladih ili da posjeduje pravosnažno odobrenje za građenje nadležnog organa, izdato na ime podnosioca zahtjeva, u periodu od 09.08.2022. godine zaključno sa zadnjim danom isteka roka javnog poziva,
 - h) da podnosilac zahtjeva ili njegov bračni ili vanbračni partner nisu ostvarili pravo po projektu Ministarstva za predinvestiranje u poticajnu stanogradnju, što Ministarstvo utvrđuje na osnovu službene evidencije.
- (2) Ukoliko su ugovor o kupoprodaji stana ili kuće kao kupci zaključila dva lica, podnosilac zahtjeva za subvencioniranje rješavanja stambenog pitanja mladih, može biti samo jedno od njih, uz obavezu da drugi kupac da izjavu, ovjerenu kod nadležnog organa, da je saglasan da on bude podnosilac zahtjeva.

Član 5.

(Kriteriji za bodovanje)

Kriteriji za određivanje broja bodova i utvrđivanja liste reda prvenstva kandidata su:

- a) stepen stručne spreme,
- b) broj članova porodičnog domaćinstva,
- c) kupoprodajna cijena stana ili kuće iz kupoprodajnog ugovora, odnosno utvrđena vrijednost građevinskog dijela objekta u izgradnji,
- d) površina stana ili kuće iz kupoprodajnog ugovora ili pravosnažnog odobrenja za građenje,
- e) član porodice šehida, poginulog ili nestalog borca, ratnog vojnog invalida, nosioca ratnog priznanja i demobilisanog borca.

- f) stepen invalidnosti,
- g) zajedničko apliciranje bračnih ili vanbračnih partnera.

Član 6.

(Stručna sprema kandidata)

Broj bodova koji se dodjeljuje po osnovu kriterija stepen stručne spreme je:

- | | |
|---|------------|
| a) doktor nauka | 14 bodova, |
| b) magistar nauka ili završen drugi ciklus visokog obrazovanja sa ostvarenih ukupno 300 ECTS bodova | 12 bodova, |
| c) VSS ili završen prvi ciklus visokog obrazovanja u četvorogodišnjem trajanju sa ostvarenih 240 ECTS bodova, prvak opere, drame i baleta | 10 bodova, |
| d) VSS ili završen prvi ciklus visokog obrazovanja u trogodišnjem trajanju sa ostvarenih 180 ECTS bodova | 8 bodova, |
| e) SSS | 6 bodova, |
| f) NS | 4 boda. |

Član 7.

(Broj članova porodičnog domaćinstva)

Broj bodova koji se dodjeljuje po osnovu kriterija broj članova porodičnog domaćinstva, za svakog člana porodičnog domaćinstva računajući i podnosioca zahtjeva

5 bodova.

Član 8.

(Kupoprodajna cijena stana ili kuće iz ugovora o kupoprodaji stana ili kuće, odnosno utvrđena vrijednost građevinskog dijela objekta u izgradnji)

Broj bodova koji se dodjeljuje po osnovu kriterija kupoprodajna cijena stana ili kuće iz ugovora o kupoprodaji, odnosno utvrđene vrijednosti građevinskog dijela objekta u izgradnji je:

- | | |
|--------------------------------------|------------|
| a) manje od 200.000,00 KM | 15 bodova. |
| b) od 200.001,00 KM do 300.000,00 KM | 10 bodova, |
| c) više od 300.001,00 KM | 5 bodova. |

Član 9.

(Površina stana ili kuće iz kupoprodajnog ugovora ili pravosnažnog odobrenja za građenje)

Broj bodova koji se dodjeljuje po osnovu kriterija površina, stana ili kuće iz kupoprodajnog ugovora ili pravosnažnog odobrenja za građenje je:

- | | |
|--|------------|
| a) do 60 m ² | 15 bodova, |
| b) od 61 m ² do 70 m ² | 10 bodova, |
| c) više od 71 m ² | 5 bodova. |

Član 10.

(Član porodice šehida, poginulog ili nestalog borca, ratnog vojnog invalida i demobilisanog borca)

Broj bodova koji se dodjeljuje po osnovu kriterija član porodice šehida, poginulog ili nestalog borca, ratnog vojnog invalida i demobilisanog borca je:

- | | |
|---|------------|
| a) član porodice šehida, poginulog ili nestalog borca | 10 bodova, |
| b) član porodice ratnog vojnog invalida | 5 bodova, |
| c) član porodice nosioca ratnog priznanja | 4 boda, |
| d) član porodice demobilisanog borca | 3 boda. |

Član 11.

(Stepen invaliditeta)

- (1) Broj bodova koji se dodjeljuje po osnovu kriterija stepen invaliditeta u skladu sa odredbom člana 12. Zakona o

osnovama socijalne zaštite, zaštite civilnih žrtava rata i zaštite porodice sa djecom je:

- a) za lice sa invaliditetom sa 20-30 % oštećenja organizma 2 boda,
 - b) za lice sa invaliditetom sa 30-40 % oštećenja organizma 3 boda,
 - c) za lice sa invaliditetom sa 40-50 % oštećenja organizma 4 boda,
 - d) za lice sa invaliditetom sa više od 60 % oštećenja organizma 5 bodova,
 - e) za svakih narednih 10 % oštećenja organizma dodaje se po 2 boda.
- (2) Broj bodova koji se dodjeljuje po osnovu kriterija stepen invalidnosti u skladu sa odredbama člana 39. Zakona o penzijskom i invalidskom osiguranju je:
- a) za I kategoriju invalidnosti 10 bodova,
 - b) za II kategoriju invalidnosti 5 bodova.

Član 12.

(Zajedničko apliciranje bračnih ili vanbračnih partnera)

- (1) Bračni ili vanbračni partner podnosi zajedno jedan zahtjev uz ovjerenu izjavu koji će, od njih biti podnositelj zahtjeva.
- (2) U slučaju da bračni ili vanbračni partner podnosioca zahtjeva ispunjava uslove iz člana 4. ove odluke, na broj bodova koje dobije podnositelj zahtjeva, dodaje se jedna trećina bodova koje dobije njegov bračni ili vanbračni partner po osnovu kriterija iz člana 6., 10. i 11. ove odluke.

Član 13.

(Redoslijed na listi prvenstva u slučaju jednakog broja bodova)
U slučaju jednakog broja bodova, prednost na listi prvenstva se daje kandidatu koji je dobio veći broj bodova prema redoslijedu kriterija iz člana 5. ove odluke, a u slučaju istog broja bodova i po tom osnovu, kandidati se na listi prvenstva upisuju po abecednom redu prezimena i imena kandidata.

Član 14.

(Dokumentacija uz zahtjev po javnom pozivu)

- (1) Uz zahtjev po javnom pozivu, kao dokaz da ispunjava uslove iz člana 4. ove odluke i dokaz za utvrđivanje broja bodova po kriterijima iz člana 5. ove odluke, podnosilac zahtjeva dostavlja slijedeću dokumentaciju:
 - a) izvod iz matične knjige rođenih za podnosioca zahtjeva i članove njegovog porodičnog domaćinstva,
 - b) uvjerenje o državljanstvu za podnosioca zahtjeva, a u slučaju zajedničke aplikacije i za njegovog bračnog ili vanbračnog partnera,
 - c) CIPS-ova prijava prebivališta za podnosioca zahtjeva i njegovog bračnog ili vanbračnog partnera u slučaju zajedničke aplikacije,
 - d) uvjerenje Općinskog suda u Sarajevu da podnosilac zahtjeva i punoljetni članovi njegovog porodičnog domaćinstva nisu vlasnici drugog stana ili kuće na području Kantona Sarajevo,
 - e) za podnosioca zahtjeva i njegovog bračnog ili vanbračnog partnera, koji su rođeni van područja Kantona Sarajevo, a na području Bosne i Hercegovine, uvjerenje nadležnog suda da nisu vlasnici stana ili kuće u mjestu rođenja, prema izvodu iz matične knjige rođenih,

- f) izjavu podnosioca zahtjeva ovjerenu kod nadležnog organa, da on i njegov bračni ili vanbračni partner nisu bili vlasnici stana ili kuće koju su otuđili pravnim poslom,
- g) izjavu podnosioca zahtjeva ovjerenu kod nadležnog organa da prođavač stana ili kuće nije roditelj, brat ili sestra podnosioca zahtjeva ili roditelj, brat ili sestra bračnog ili vanbračnog partnera podnosioca zahtjeva,
- h) notarski ovjeren prepis izvornika ugovora o kupoprodaji stana ili kuće,
- i) za podnosioca zahtjeva koji gradi kuću ili stan ovjerenu fotokopiju pravosnažnog odobrenja za građenje,
- j) za podnosioca zahtjeva koji gradi kuću ili stan ovjerenu fotokopiju pravosnažnog rješenja o uplati naknade za izgradnju skloništa,
- k) diplomu o završenoj stručnoj spremi za podnosioca zahtjeva, a u slučaju zajedničke aplikacije i za njegovog bračnog ili vanbračnog partnera,
- l) ispravu nadležnog organa za kriterij iz člana 10. ove odluke,
- m) ispravu nadležnog organa o stepenu invalidnosti,
- n) izjavu ovjerenu kod nadležnog organa o zajedničkoj aplikaciji bračnih ili vanbračnih partnera,
- o) za podnosioca zahtjeva koji je zaključio ugovor o kupoprodaji stana ili kuće sa još jednim licem, izjava tog lica da je saglasno da on bude podnosilac zahtjeva.

- (2) Obrazac zahtjeva i obrazac izjave iz stava (1), tač. f), g) i n), ovog člana podnosilac zahtjeva preuzima sa web stranice Ministarstva.
- (3) Dokumentacija iz stava (1) ovog člana predaje se u originalu ili ovjerenoj fotokopiji, izuzev dokumentacije iz stava (1), tačka h) ovog člana, koja se predaje u originalu.
- (4) Datum izdavanja dokumentacije iz stava (1), tač. b), d) i e) ovog člana, ne može biti stariji od tri mjeseca od dana podnošenja zahtjeva.
- (5) Datum izdavanja dokumentacije iz stava (1), tačka c) ovog člana, ne može biti starija od sedam dana od dana podnošenja zahtjeva.

Član 15.

(Postupak podnošenja zahtjeva i utvrđivanja liste reda prvenstva kandidata za subvencioniranje rješavanja stambenog pitanja mladih)

Postupak podnošenja zahtjeva i utvrđivanja liste reda prvenstva kandidata za subvencioniranje rješavanja stambenog pitanja mladih se realizuje po sljedećoj proceduri:

- a) Ministarstvo raspisuje javni poziv za subvencioniranje rješavanja stambenog pitanja mladih i objavljuje ga u jednim od dnevnih novina, web stranici Kantona Sarajevo i web stranici Ministarstva, sa rokom ne kraćim od 20 dana za podnošenje zahtjeva,
- b) zahtjev sa dokazima iz člana 14. ove odluke podnosi se komisiji koju imenuje ministar komunalne privrede, infrastrukture, prostornog uređenja, građenja i zaštite okoliša Kantona Sarajevo (u daljem tekstu: ministar),
- c) komisija, po zaključenju javnog poziva, otvara sve prijave i poziva podnosioca zahtjeva da dopuni

- zahtjev i dokaze uz zahtjev, ukoliko je isti nepotpun u roku od sedam dana i provjerava da li podnosilac zahtjeva ispunjava uslove iz člana 4. ove odluke,
- d) komisija odbacuje zahtjev podnosioca koji u ostavljenom roku iz tačke c) ovog člana ne dopuni dokumentaciju i koji ne ispunjava uslove iz člana 4. ove odluke i o tome obavještava podnosioca zahtjeva čije je zahtjev odbačen,
- e) komisija vrši bodovanje kandidata u skladu sa kriterijima iz člana 6. do 12. ove odluke.
- f) komisija utvrđuje nacrt liste reda prvenstva kandidata za subvencioniranje rješavanja stambenog pitanja mladih i objavljuje je na web stranici Kantona Sarajevo i web stranici Ministarstva,
- g) na nacrt liste reda prvenstva kandidata za subvencioniranje rješavanja stambenog pitanja mladih, podnosilac zahtjeva može u roku od sedam dana od dana objavljivanja nacrta liste reda prvenstva kandidata za subvencioniranje rješavanja stambenog pitanja mladih izjaviti prigovor ministru,
- h) ministar razmatra prigovor, nakon čega pismeno obavještava podnosioca prigovora o donesenoj odluci po prigovoru,
- i) konačnu listu reda prvenstva kandidata za subvencioniranje rješavanja stambenog pitanja mladih, na prijedlog komisije, utvrđuje ministar i objavljuje je na web stranici Kantona Sarajevo i web stranici Ministarstva.

Član 16.

(Postupak dodjele sredstava)

- (1) Na osnovu broja kandidata na konačnoj listi reda prvenstva kandidata za subvencioniranje rješavanja stambenog pitanja mladih i iznosa obezbjeđenih sredstava u Budžetu Kantona Sarajevo, ministar prijedlog odluke sa imenom i prezimenom kandidata i iznosom novčanih sredstava kojima se subvencionira rješavanje stambenog pitanja mladih, dostavlja Vladi Kantona Sarajevo na usvajanje.
- (2) Ministarstvo po odluci iz stava (1) ovog člana vrši isplatu sredstava kandidatima na ime subvencioniranja rješavanja stambenog pitanja.

Član 17.

(Notarski obrađena isprava o obavezi kandidata)

Kandidat sa konačne liste reda prvenstva kome su odobrena sredstva po odluci iz člana 16. ove odluke, je dužan dostaviti Ministarstvu notarski obrađenu ispravu o obavezi kandidata, koja ima status izvršne isprave u smislu člana 90. Zakona o notarima ("Službene novine Federacije BiH", broj 45/02 i 30/16. - Presuda Ustavnog suda Federacije Bosne i Hercegovine) i člana 23. Zakona o izvršnom postupku ("Službene novine Federacije BiH", broj 32/03, 52/03 - Ispravka, 33/06, 39/06 - Ispravka, 39/09, 35/12 i 46/16 i "Službeni glasnik BiH", broj 42/18 - Rješenje Ustavnog Suda Bosne i Hercegovine) koja sadrži slijedeće elemente:

- a) da je kandidat saglasan da neće otuđiti stan ili kuću koji je predmet kupoprodajnog ugovora, odnosno kuću ili stan koji je predmet gradnje u roku od pet godina od dana uplate sredstava na ime subvencije i da će Ministarstvu do 30. januara svake godine dostaviti Izvod iz zemljišnih knjiga za tu nekretninu kao dokaz,

- b) da se kandidat obavezuje da će imati prebivalište na području Kantona Sarajevo neprekidno u roku od pet godina od dana uplate sredstava na ime subvencije i da će Ministarstvu do 30. januara svake godine dostaviti CIP prijavu prebivališta,
- c) da se kandidat obavezuje, da ukoliko otuđi nekretninu koja je predmet kupoprodajnog ugovora, odnosno predmet odobrenja za gradnju, za koju je dobio subvenciju ili ukoliko promjeni mjesto prebivališta van područja Kantona Sarajevo u roku propisanom ovom odlukom, da će Ministarstvu izvršiti povrat sredstava uplaćenih na ime subvencije umanjeno za jednu petinu za svaku godinu u kojoj je nekretninu koristio po uplati sredstava na ime subvencije, najdalje u roku od 30 dana od dana otuđenja nekretnine ili promjene mjesta prebivališta.

Član 18.

(Ravnopravnost spolova)

Gramatička terminologija korištenja muškog ili ženskog spola podrazumijeva uključivanje oba spola.

Član 19.

(Prestanak važenja ranijeg propisa)

Danom stupanja na snagu ove odluke prestaje da važi Odluka o subvencioniranju rješavanja stambenog pitanja mladih ("Službene novine Kantona Sarajevo", broj 31/22).

Član 20.

(Stupanje na snagu)

Ova odluka stupnja na snagu danom donošenja, a objavit će se u "Službenim novinama Kantona Sarajevo".

Broj 02-04-44125-4/23

19. oktobra 2023. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 10. stav (3) Zakona o izvršavanju Budžeta Kantona Sarajevo za 2023. godinu ("Službene novine Kantona Sarajevo", broj 15/23), člana 3. i 4. stav (2) Odluke o kriterijima za raspodjelu sredstava iz Tekuće rezerve Budžeta Kantona Sarajevo ("Službene novine Kantona Sarajevo", broj 24/23), Vlada Kantona Sarajevo, na 31. sjednici održanoj 19.10.2023. godine, donijela je

ODLUKU

**O ODOBRAVANJU IZDVAJANJA SREDSTAVA IZ
TEKUĆE REZERVE BUDŽETA KANTONA SARAJEVO
ZA TROŠKOVE ADVOKATA I RAZLIKU OBAVEZNIH
DOPRINOSA ZA PENZIJSKO I INVALIDSKO
OSIGURANJE PO UGOVORIMA O VANSUDSKOJ
NAGODBI ZA 2023. GODINU**

I

Iz Tekuće rezerve Budžeta Kantona Sarajevo za 2023. godinu ("Službene novine Kantona Sarajevo", broj 15/23), ekonomski kod 600000 odobrava se izdvajanje sredstava u iznosu 675.122 KM na ekonomski kod 614800 - Drugi tekući rashodi (sudske presude po tužbama uposlenika) na razdjelu kako slijedi:

- d) komunikacijska i transportna infrastruktura;
- e) socijalna politika;
- f) provođenje zakona i drugih propisa o državljanstvu;
- g) imigracija i azil;
- h) turizam;
- i) korištenje prirodnih bogatstava.

Član 14.**Vršenje nadle nosti**

Svoje nadle nosti Kanton izvršava donošenjem sopstvenih propisa i primjenom propisa Bosne i Hercegovine i Federacije.

Nadle nosti iz člana 13. ovog Ustava Kanton vrši u obimu dogovorenom sa federalnim vlastima. U slučaju da takav dogovor ne postoji te nadle nosti će Kanton vršiti cjelovito i samostalno.

Član 15.**Prenošenje nadle nosti**

Svoje nadle nosti iz oblasti obrazovanja, kulture, turizma, lokalnog poslovanja i dobrotvornih aktivnosti, radija i televizije Kanton može prenositi na općine u svom sastavu. Ove nadle nosti će se obavezno prenositi na one općine u kojima većinsko stanovništvo prema nacionalnoj strukturi nije stanovništvo koje čini većinu i na području cijelog Kantona.

Kanton može neke od svojih nadle nosti prenijeti i na federalne vlasti, ukoliko bi se na taj način obezbijedilo njihovo efikasnije i racionalnije vršenje.

Odluku o prenošenju nadle nosti u smislu ovog člana donosi Skupština.

IV - STRUKTURA VLASTI**A) ZAKONODAVNA VLAST****Član 16.****Opća odredba**

Zakonodavnu vlast u Kantonu vrši Skupština Kantona.

Član 17.**Sastav Skupštine**

Skupština je jednodomno predstavničko tijelo sastavljeno od 45 (četrdesetpet) poslanika. Poslanici se biraju tajnim glasanjem na neposrednim izborima na cijelom području Kantona.

Prilikom izbora poslanika obezbjeđuje se odgovarajuća zastupljenost predstavnika Bošnjaka, Hrvata i ostalih naroda proporcionalno nacionalnoj strukturi stanovništva na području Kantona.

Izbor poslanika u Skupštini provodi se sukladno federalnim izbornim propisima, s tim što izbore raspisuje i provodi Skupština.

Mandat poslanika u Skupštini traje 2 (dvije) godine.

Član 18.**Nadle nosti Skupštine****Skupština Kantona:**

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadle nosti Kantona, izuzev propisa koji su ovim Ustavom ili zakonom dati u nadle nost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadle nosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.**Način rada Skupštine**

Skupština bira predsjedavajućeg i dva njegova zamjenika iz reda izabranih poslanika.

Skupština zasijeda javno, izuzev u slučajevima kada je to predviđeno njenim poslovníkom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bli e se uređuje poslovníkom.

Član 20.**Poslanički imunitet**

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili kažnjen na bilo koji način zbog iznesenog mišljenja i datog glasa u Skupštini.

Član 21.**Način odlučivanja u Skupštini**

U vršenju svojih nadle nosti Skupština donosi zakone, druge propise, te opće i pojedinačne akte (dalje: propisi).



Petak, 21. septembra 2012.

SLUŽBENE NOVINE
KANTONA SARAJEVO

Broj 41 – Strana 27

Predsjedavajući zaprimljene amandmane dostavlja predlagачu koji je obavezan u roku od 5 dana od dana dostavljanja amandmana da se očituje u pisanoj formi i očitovanje dostavi predsjedavajućem.

Član 153.

Na amandman predlagачa zakona svaki poslanik/zastupnik može podnijeti amandman do zaključenja pretresa.

Kada se amandmanom mijenjaju načela na kojim se zasniva zakon ili se angažuju značajnija materijalna sredstva, na prijedlog 10 poslanika/zastupnika, Zakonodavno-pravne komisije, nadležnog ili drugog radnog tijela Skupštine, Skupština može odlučiti da se odloži rasprava radi zauzimanja stavova u klubovima poslanika/zastupnika.

Član 154.

Ukoliko se amandmanom bitnije mijenja tekst prijedloga zakona, o amandmanu se ne može odlučiti prije nego što se o njemu ne izjasne nadležna radna tijela Skupštine, Zakonodavno-pravna komisija i Vlada.

Član 155.

Ako amandman na prijedlog zakona sadrži odredbe kojima se angažuju finansijska sredstva, predsjedavajući Skupštine dostavlja amandman i nadležnom kantonalnom organu u čiji djelokrug spadaju pitanja obezbjeđenja sredstava i raspolaganja sredstvima da razmotri uticaj odredaba amandmana na raspoloživa sredstva i na obezbjeđenje sredstava za finansiranje predloženog rješenja i da o tome izvjesti Skupštinu.

Član 156.

Povodom amandmana na prijedlog zakona podnesenog u toku pretresa, Skupština može odlučiti da se pretres prekine da bi se o amandmanu izjasnila Vlada, nadležno radno tijelo, klubovi naroda i Zakonodavno-pravna komisija.

Član 157.

Podnosilac prijedloga zakona se izjašnjava o amandmanu. Vlada Kantona se izjašnjava o amandmanima i kada nije predlagач zakona.

Amandman podnosioca prijedloga zakona, kao i amandman drugog ovlaštenog predlagачa sa kojim se podnosilac prijedloga saglasio, postaje sastavni dio prijedloga zakona.

O amandmanu na prijedlog zakona sa kojim se nije saglasio predlagач, a podnosilac amandmana nije odustao od njega, Skupština glasa odvojeno.

- Donošenje zakona po skraćenom postupku

Član 158.

Kad je to programom rada Skupštine predviđeno ili kad nije u pitanju složen i obiman zakon, podnosilac prijedloga zakona može umjesto nacрта da podnese prijedlog zakona i da predloži da se prijedlog zakona pretresa po skraćenom postupku bez nacрта zakona.

Ako Skupština ne prihvati da pretresa prijedlog zakona po skraćenom postupku, sa prijedlogom zakona će se postupiti kao sa nacrtom i o tom nacrtu odmah se vrši rasprava.

- Donošenje zakona po hitnom postupku

Član 159.

Zakoni se, po pravilu, ne donose po hitnom postupku.

Izuzetno, po hitnom postupku može da se donese samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo da izazove štetne posljedice za društvene interese u Kantonu.

Član 160.

Prijedlog da se donese zakon po hitnom postupku, skupa sa prijedlogom tog zakona, može da podnese svaki poslanik/zastupnik, radno tijelo Skupštine ili Vlada, uz obrazloženje zašto je neophodno da se zakon donese po hitnom postupku.

Član 161.

O prijedlogu za donošenje zakona po hitnom postupku odlučuje Skupština kao o prethodnom pitanju na sjednici Skupštine prije utvrđivanja dnevnog reda.

O prijedlogu se vodi pretres, a Skupština može odlučiti da podnosilac prijedloga zakona ili njegov predstavnik na sjednici Skupštine usmeno navede razloge zbog kojih je potrebno da se zakon donese po hitnom postupku.

Ako prijedlog nije podnijela Vlada, Skupština će prije odlučivanja od nje zatražiti mišljenje o ovom prijedlogu.

Ako Skupština usvoji prijedlog za donošenje zakona po hitnom postupku, prijedlog zakona se unosi u dnevni red i o njemu se odlučuje na istoj sjednici Skupštine.

Ako Skupština ne prihvati razloge iz člana 159. stav 2. ovog poslovnika za donošenje zakona po hitnom postupku, o svom zaključku odmah obavještava podnosioca prijedloga zakona, te o njemu raspravlja kao o nacrtu.

Član 162.

Predsjedavajući Skupštine, kad primi prijedlog da se zakon donese po hitnom postupku, zatražiće od Zakonodavno-pravne komisije i odgovarajućeg radnog tijela da razmotre prijedlog zakona i podnesu Skupštini izvještaj.

Skupština može, kad utvrdi potrebu donošenja zakona po hitnom postupku ili u toku pretresa, da zatraži od Zakonodavno-pravne komisije i odgovarajućeg radnog tijela da razmotre prijedloge i podnesu odmah izvještaj o prijedlogu zakona.

Član 163.

Na prijedlog zakona koji se donosi po hitnom postupku mogu da se podnose amandmani do zaključenja pretresa.

Ako se amandmanom mijenjaju načela na kojima se zasniva prijedlog zakona, ili ako bi prihvatanje amandmana prouzrokovalo bitnu izmjenu teksta prijedloga zakona, ili ako se amandmanom angažuju finansijska sredstva, Skupština će odlučiti o amandmanu kad pribavi mišljenje Zakonodavno-pravne komisije i kad se o tom izjasni Vlada.

Zakonodavno-pravna komisija i druga nadležna tijela dužni su da odmah razmotre dostavljene amandmane i da podnesu Skupštini izvještaj sa mišljenjem i prijedlozima.

- Vršenje ispravki u zakonu, drugom propisu i općem aktu

Član 164.

Prijedlog za ispravku štamparskih grešaka u objavljenom tekstu zakona, drugih propisa i općih akata Skupštine podnosi kantonalni organ uprave koji je nadležan za staranje o izvršavanju tih akata ili ovlašteni podnosilac prijedloga zakona, drugog propisa ili općeg akta.

Ispravke štamparskih grešaka u objavljenom tekstu zakona, drugog propisa ili općeg akta Skupštine, poslije savjetovanja sa izvorikom zakona, drugog propisa ili općeg akta Skupštine, daje sekretar Skupštine.

VII - AKTA VLADE KANTONA

Član 26.

Vlada Kantona u ostvarivanju svojih nadležnosti utvrđenih ustavom donosi uredbе, odluke, rješenja i zaključke.

Član 27.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 28.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 29.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 30.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 31.

Za obavljanje stručnih i drugih poslova za potrebe Skupštine Kantona, Vlade Kantona i organa uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

Član 32.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 33.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 34.

Vlada Kantona Sarajevo dužna je uskladići Poslovnik o radu sa odredbama Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u roku od 30 dana od dana njegovog stupanja na snagu.

Član 35.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

Član 36.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršit će Vlada u dosadašnjem sastavu.

Član 37.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 38.

Zakon o izmjenama i dopunama Zakona o Vladi Kantona Sarajevo stupio je na snagu osmog dana od dana objavljivanja u "Službenim novinama Kantona Sarajevo", broj 38/13.

Na osnovu člana 16. Zakona o izmjenama i dopunama Zakona o sudskim taksama ("Službene novine Kantona Sarajevo", broj 18/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno - pravna komisija Skupštine Kantona Sarajevo, na sjednici 22.08.2014. godine, utvrdila je Prečišćeni tekst Zakona o sudskim taksama.

Prečišćeni tekst Zakona o sudskim taksama obuhvata: Zakon o sudskim taksama ("Službene novine Kantona Sarajevo", broj 21/09). Zakon o izmjenama i dopunama Zakona o sudskim taksama ("Službene novine Kantona Sarajevo", broj 29/09). Zakon o izmjeni Zakona o sudskim taksama ("Službene novine Kantona Sarajevo", broj 14/11). Zakon o izmjenama Zakona o sudskim taksama ("Službene novine Kantona Sarajevo", broj 36/13) i Zakon o izmjenama i dopunama Zakona o sudskim taksama ("Službene novine Kantona Sarajevo", broj 18/14), u kojim je naznačen dan stupanja na snagu tih zakona.

Broj 01-05.22971-2/14

22. augusta 2014. godine
Sarajevo

Po ovlaštenju
Esad Hrvačić, s. r.

ZAKON

O SUDSKIM TAKSAMAMA

(Prečišćeni tekst)

DIO PRVI. OPĆE ODREDBE

Član 1.

(Plaćanje sudske takse)

- (1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom u Sarajevu i Općinskim sudom u Sarajevu (u daljnjem tekstu: sud).
- (2) Postupci u kojima se plaća taksa i visina takse za pojedine radnje, utvrđeni su u Tarifi sudskih taksi, koja je sastavni dio ovog zakona.

Član 2.

(Obveznik plaćanja takse)

- (1) Takse propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim zakonom utvrđeno plaćanje takse (u daljnjem tekstu: taksoni obveznik).
- (2) Za podneske i zapisnike koji zamjenjuju podneske taksu je dužno da plati lice koje podnosi podneske i lice na čiji zahtjev